



Broj: 11-30-19909-6/26 13.05.2026.
Zenica, 08.05.2026. godine

0311 - 213	126		
------------	-----	--	--

OPĆINA KAKANJ
Općinsko vijeće

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ

Primijeno:

Org. jed.	Kl. oznaka	Broj	Prilog

PREDMET:

Veza: Naš dopis broj: 11-30-19909-6/25 od 30.01.2026. godine
Vaš dopis broj: 01/1-41/26 od 27.02.2026. godine

Nakon provedene zakonske procedure za izbor člana Upravnog odbor JU „Dom zdravlja sa stacionarom“ Kakanj, predstavnika Ministarstva zdravstva Zeničko-dobojskog kantona, dopisom Ministarstva broj i datum veze, u skladu sa članom 12. Zakona o ministarskim vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13) zatraženo je da Općinsko vijeće izvrši konačno imenovanje Amidžić Melise u Upravni odbor JU „Dom zdravlja sa stacionarom“ Kakanj, predstavnika Ministarstva zdravstva Zeničko-dobojskog kantona.

Vašim dopisom broj i datum veze obavijestili ste Ministarstvo zdravstva da je Općinsko vijeće na sjednici održanoj dana 26.02.2026. godine razmatralo prijedlog dopunskog rješenja o konačnom imenovanju Amidžić Melise u Upravni odbor JU „Dom zdravlja sa stacionarom“ Kakanj, predstavnika Ministarstva zdravstva Zeničko-dobojskog kantona, te da prijedlog nije dobio potrebnu većinu.

Članom 64. stav 5. Zakona o zdravstvenoj zaštiti („Sl. novine FBiH“, broj: 46/10 i 75/13) propisano je da upravni odbor zdravstvene ustanove u vlasništvu općine ima tri člana i čine ga predstavnici:

- osnivača – jedan član,
- stručnih radnika zdravstvene ustanove – jedan član,
- kantonalnog ministarstva – jedan član.

Stavom 8. istog člana propisano je da predsjednika i članove upravnog odbora zdravstvene ustanove iz stava 5. imenuje i razrješava općinsko vijeće na prijedlog općinskog načelnika.

Članom 9. stav 5. Zakona o ministarskim vladinim i drugim imenovanjima Federacije Bosne i Hercegovine, propisano je da ako je u zakonu ili u statutu propisano da i drugi organ ima ovlaštenje za imenovanje svojih predstavnika u regulirani organ, tada odgovorni javni službenik tog organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom.

Imajući u vidu činjenicu da su se u praksi pojavile dileme vezane za primjenu člana 9. stav 5. Zakona o ministarskim vladinim i drugim imenovanjima Federacije Bosne i Hercegovine, u vezi sa članom 64. stav 5. Zakona o zdravstvenoj zaštiti, Ministarstvo zdravstva je pribavilo mišljenje Federalnog ministarstva pravde Sarajevo broj: 01/03-49-1847/17 od 09.05.2017.

godine, koje je Ministarstvo zdravstva proslijedilo svim općinskim/gradskim vijećima i domovima zdravlja na području Kantona.

U prilogu dopisa ponovo Vam dostavljamo dopis Ministarstva zdravstva broj: 11-37-4161-5/17 od 18.05.2017. godine, u čijem prilogu je dopis Federalnog ministarstva pravde Sarajevo broj: 01/03-49-1847/17 od 09.05.2017. godine, sa jasnim i nedvosmislenim stavom po pitanju izbora i imenovanja predstavnika kantonalnog ministarstva zdravstva u upravni odbor zdravstvene ustanove čiji je osnivač općina/grad.

Slijedom navedenih zakonskih propisa i mišljenja Federalnog ministarstva pravde Sarajevo broj: 01/03-49-1847/17 od 09.05.2017. godine, sasvim je jasno da postupak izbora predstavnika kantonalnog ministarstva zdravstva u upravni odbor zdravstvene ustanove čiji je osnivač općina/grad, provodi Ministarstvo zdravstva, te da ime izabranog predstavnika kantonalnog ministarstva zdravstva dostavlja nadležnim općinskim organima vlasti kako bi se navedeno lice uvrstilo u akt o konačnom imenovanju upravnog odbora koje vrši općinsko vijeće.

Imajući u vidu prethodno izloženo, u cilju osiguranja nesmetanog funkcionisanja navedenog upravnog odbora u punom sastavu, a shodno zakonskoj obavezi poštovanja načela zakonitosti iz člana 3. stav 2. tačka (A) Zakona o ministarskim vladinim i drugim imenovanjima Federacije Bosne i Hercegovine i načela otvorenosti i transparentnosti iz člana 3. stav 2. tačka (C) Zakona o ministarskim vladinim i drugim imenovanjima Federacije Bosne i Hercegovine, ukazujemo Vam na obavezu Općinskog vijeća da izvrši konačno imenovanje Amidžić Melise u Upravni odbor JU „Dom zdravlja sa stacionarom“ Kakanj, predstavnika Ministarstva zdravstva Zeničko-dobojskog kantona.

Ministarstvo zdravstva očekuje punu saradnju Općinskog vijeća i ispunjenje zakonske obaveze u smislu konačnog imenovanja imenovane u navedeni Upravni odbor.

S poštovanjem!

Prilog: kao u tekstu

Dostaviti:
1x Naslovu,
1x a/a



MINISTRICA

dr. Aida Sačinović

Anida
22.05.17

Bosna i Hercegovina
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA



Bosnia and Herzegovina
FEDERATION OF BOSNIA AND HERZEGOVINA
ZENICA-DOBOJ CANTON
MINISTRY OF HEALTH

Broj: 11-37-4161-5/17
Zenica, 18.05.2017. godine

OPĆINE I OPĆINSKA VIJEĆA – svima na području Kantona

GRAD ZENICA I GRADSKO VIJEĆE

DOMOVI ZDRAVLJA – svima na području Kantona – za informaciju

PREDMET: Odgovor na upit, dostavljen od Federalnog ministarstva pravde Sarajevo, vezan za imenovanje predstavnika Ministarstva zdravstva Zeničko-dobojskog kantona u upravni odbor doma zdravlja, dostavlja se

U prilogu dopisa dostavljamo Vam odgovor Federalnog ministarstva pravde Sarajevo, broj: 01/03-49-1847/17 od 09.05.2017. godine, koji se odnosi na primjenu Zakona o ministarskim vladinim i drugim imenovanjima Federacije Bosne i Hercegovine („Sl. novine FBiH“, broj: 12/03, 34/03 i 65/13) u pogledu izbora i imenovanja predstavnika Ministarstva zdravstva Zeničko-dobojskog kantona, u upravni odbor zdravstvenih ustanova kojim je osnivač općina/grad. Navedeni odgovor je dostavljen na upit ovog Ministarstva od 25.04.2017. godine.

Imajući u vidu član 64. stav 5. Zakona o zdravstvenoj zaštiti („Sl. novine FBiH“, broj: 46/10 i 75/13), član 9. stav 5. Zakona o ministarskim, vladinim i drugim imenovanjima Federacije Bosne i Hercegovine („Sl. novine FBiH“, broj: 12/13, 34/03 i 65/13) i odgovor na upit dostavljen ovom Ministarstvu, od strane Federalnog ministarstva pravde Sarajevo, broj: 01/03-49-1847/17 od 09.05.2017. godine, **obavještavamo Vas o obavezi postupanja na sljedeći načinu prilikom provođenja postupka izbora i imenovanja predstavnika ovog Ministarstva u upravni odbor doma zdravlja:**

Općine i Grad Zenica, su obavezni obavijestiti Ministarstvo zdravstva o raspisivanju javnog oglasa za imenovanje upravnog odbora zdravstvene ustanove. Prijave koje pristignu na navedeni javni oglas za člana upravnog odbora - predstavika Ministarstva zdravstva, potrebno je dostaviti ovom Ministarstvu, koje će u skladu sa članom 9. stav 5. Zakona o ministarskim, vladinim i drugim imenovanjima Federacije Bosne i Hercegovine, imenovati komisiju i provesti postupak, nakon čega će nadležnim općinskim organima, dostaviti podatak za svog izabranog predstavnika, kako bi navedeni predstavnik bio uvršten u akt o konačnom imenovanju upravnog odbora koje vrši općinsko vijeće.

S poštovanjem!

Prilog: kao u tekstu,

Dostavljeno:
1x Naslovu,
1x a/a



MINISTAR
Braguljub Brenjo



1005

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO PRAVDE
SARAJEVO

Broj: 01/03-49-1847/17
Sarajevo, 09.05.2017.

Ministarstvo zdravstva Zeničko-dobojskog kantona
Ul. Kučukovići 2, Zenica
-n/r ministra

PREDMET: Odgovor na upit, **dostavlja se**

Veza: Vaš akt br. 11-37-4161-2/17 od 25.04.2017. godine

Poštovani

Vašim aktom, gornji broj i datum, zatražili ste mišljenje Ministarstva pravde FBiH o primjeni odredaba Zakona o ministarskim, vladinim i drugim imenovanjima FBiH („Sl.novine FBiH“, br. 12/03, 34/03 i 65/13) u pogledu izbora i imenovanja predstavnika Ministarstva zdravstva ZDK u upravne odbore zdravstvenih ustanova na području Zeničko-dobojskog kantona.

Kako ste naveli u Vašem aktu, zanima vas primjena odredaba iz člana 9. stav 5. Zakona o ministarskim, vladinim i drugim imenovanjima FBiH, a sve u vezi sa izborom i imenovanjem predstavnika tog ministarstva u upravni odbor Doma zdravlja Visoko.

U odgovoru na Vaš akt, ističemo da je navedenim odredbama Zakona o ministarskim, vladinim i drugim imenovanjima FBiH utvrđeno da, ukoliko je u zakonu o osnivanju reguliranog organa ili njegovom statutu propisano da i drugi organ ima ovlaštenje za imenovanje svojih predstavnika u upravljačke strukture reguliranog organa, tada odgovorni javni službenik tog organa imenuje svoju komisiju za izbor za one predstavnike za koje je nadležan i provodi postupak u skladu sa ovim zakonom.

U tom smislu, smatramo navedene odredbe Zakona o ministarskim, vladinim i drugim imenovanjima FBiH sasvim jasnim i nedvosmislenim, jer uopće ne ostavljaju nedoumice u svojoj primjeni. S tim u vezi, imajući na umu da je odredbama iz člana 64. stav 5. Zakona o zdravstvenoj zaštiti („Sl.novine FBiH“, 46/10 i 75/13) propisano da upravni odbor zdravstvene ustanove u vlasništvu općine ima tri člana i da ga čine po jedan predstavnik osnivača, stručnih radnika iz te zdravstvene ustanove te kantonalnog ministarstva, to je sasvim jasno da postupak izbora predstavnika kantonalnog ministarstva provodi to ministarstvo, te da ime izabranog predstavnika kantonalnog ministarstva dostavlja nadležnim općinskim organima vlasti kako bi se navedeno lice uvrstilo u akt o konačnom imenovanju upravnog odbora koje vrši općinsko vijeće.

S poštovanjem

TA

